
ФАРҒОНАДА НАВБАТДАГИ ТАДБИРКОРЛАР ҚАБУЛИ БЎЛИБ ЎТДИ

Фарғона шаҳридаги вилоят “Тадбиркорлар уйи” да янги ҳафтанинг илк кунида тадбиркорлар қабули бўлиб ўтди.

Вилоят ҳокимининг биринчи ўринбосари Авазбек Ўринбоев вилоят ишбилармонлари ҳамда тадбиркорларини қийнаётган масала ва муаммоларни эшитди.

Қабулда вилоятимизнинг шаҳар-туманларидан келган 30 нафардан зиёд фуқаролар қатнашдилар.

Интенсив боғ ташкил қилиш, ташландиқ ерни ободонлаштириш, қишлоқ хўжалигига инвестиция киритиш, бўш турган ерда божхона маркази ташкил этиш, савдо дўкони учун жой ажратиш, бузилган дўкон учун компенсация тўловини ундириш, “Ақлли бекат” қуриш, кредит олиш, чорва молларига озуқа учун ер майдони ажратиш, тикув-трикотаж маҳсулотлари комплексини қуриш каби тури масалаларда мурожаатлар амалга оширилди.

Эшитилган муаммоларни ўрганиб чиқиш ва аниқ чора-тадбирлар белгилаш учун тегишли бошқарма ва ташкилотлар мутасаддиларига топшириқлар берилди.

Эслатиб ўтамиз, вилоят ишчи гуруҳи ташкилотлар ва идоралар томонидан аҳоли муаммоларига ечим топиш, уларни ҳал қилиш учун амалга оширилаётган ишларни мунтазам назорат қилиб бормоқда ва шунга қараб кўрсаткичлар белгилаб борилади.

[Бизни ижтимоий тармоқларда кузатинг Facebook,](#)
2021-06-28 15:49:38